



Jumat, 18 Mei 2024

Ogen: 2 Kronika 34:14



Ingan Penimpanen



Museum ertina lembaga si biakna tetap, la ndarami untung, ngelai masyarakat ras perkembangenna. Museum e erguna man kerina masyarakat, la lit i je rahasia. Museum e gunana ingan nimpan ras mpekena-kena barang - barang si meherga, ingan encidahken ras nuriken erti barang-barang si meherga e, lit i je nilai-nilai si erkawiten ras budaya, pendidikan, kesenian ras sidebanna. Rikutken Peraturan Pemerintah no 66 tahun 2015 kerna museum ras erpalasken Konfrensi umum ICOM (International Council of Museums). Museum mengelola bukti material hasil budaya dan/atau material alam dan lingkungannya yang mempunyai nilai penting bagi sejarah, ilmu pengetahuan, pendidikan, agama, kebudayaan, teknologi, dan/atau pariwisata untuk dikomunikasikan dan dipamerkan kepada masyarakat umum melalui pameran permanen, temporer, dan keliling. Kebanyakan museum menawarkan program dan kegiatan yang menjangkau seluruh pengunjung, termasuk orang dewasa, anak-anak, seluruh keluarga, dan tingkat profesi lainnya.

I bas pemerintahen raja Josia, idat sada peti penimpanen i bas Rumah Pertoton si isina duit. Tapi kenca ipedarat duit e maka idat kitap undang-undang Tuhan. Kepeken asum Rumah Pertoton e ipake guna ingan penembahen berhalu, maka kitap undang-undang Tuhan pe ibuniken ka. E maka erkiteken enda sada peninggalen si bersejarah i bas perdalanen bangsa Israel, maka ibaba ras iogeken me kitap e man raja Josia. Megi kerna si e, maka icaingken raja uisna erkiteken ceda atena. Sabap nggo isia-siaken nini-ninina ndube kerna si meherga si rehna i bas Tuhan nari guna kiniulin bangsa. Teptep bangsa lit sada peninggalen sejarah si banci saja jadi bukti otentik kerna sejarah bangsa e ras perdalanen bangsa e. Tentu i bas paksa gundari maka kerina peninggalen sejarah e itamakan ku museum. Mari kita pe erlajar sejarah telebih sejarah gerejanta i bas museum GBKP i Retreat Centre.